



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

3. Inordinationes claustrī.

[urn:nbn:de:hbz:466:1-50980](http://urn.nbn.de/hbz:466:1-50980)

concurrere videbuntur, scilicet ut & gemere pro se, & exultare in Deo nouerit, simul & proximorum utilitatibus potens sit subuenire: placens Deo, cautus sibi, utilis suis. Ad statum etiam eius qui perfectus est, pertinet, imperfectiōnem suam agnoscere, & perfectionem appetere, & imperfectionem proximi patienter tolerare. Gregorius in moralibus. Magna est perfectio, suā imperfectionis cognitio. Augustinus. Quantum mihi videtur, in ea quā perficienda est iustitia, multum in hac vita proficit, qui, quām longè sit à perfectione iustitiae, proficiendo cognouit. Bernardus. Nemo perfectus, nisi qui perfectior esse appetit. Idem: Ita nimis solet diuina pietas, conseruando humilitatis gratiam, ordinare, ut quantò plus quisque proficit, eò minus se reputet profecisse. Nam usque ad extreum spiritualis exercitij gradum, si quis tantum proficit, aliquid ei de primi gradus imperfectione relinquitur: ut adhuc vix sibi illum adeptus videatur. Greg. Ille verè perfectus est: qui ad imperfectionem proximi impatiens non est. Lib. 5. mor. cap. 14. in

De quibusdam inordinationibus claustrī. princip.

CAP V T III.

Vltimo in hoc quarto libro notandū, quod in aliquibus claustris ubi cuncta ordinatē fieri deberent, loco ordinationis est confusio infernalis, ubi nullus ordo. Quod deberet esse Iob. 10. intus, est extra: quod deberet esse sursum, est deorsum: quod deberet esse dextrum, est sinistrum: quod deberet esse ante, est retro: quod deberet esse medium, est extreum. Primam inordinationem, facit hypocrisis: cum scilicet clau-

P 5 stra-

strales faciunt opera sua, ut videantur ab hominibus: & qui puritatem deberent quærere interius, quærunt eam exterius: à saluatore maledi-

Matt. 23. Eti. Væ vobis scribæ & pharisæi hypocritæ, qui mundatis quod foris est, &c. Væ vobis qui similes estis sepulchris dealbatis, putredine plenis.

Ibid. Secundam inordinationem facit subditorum superbia. Quasi pedes sunt sursum, & caput deorsum, cùm oportet quod prælatus quærat a subditis, quod Saluator quæsivit à cæcis. Quid vultis ut faciam vobis? Potius congrueret sub-

Matt. 20. dito, quod dicit Paulus Saluatori: Domine quid me vis facere?

Acto. 9. Tertiam inordinationem facit cupiditas & auaritia. Quasi faciem præpostaram habet religio, in qua temporalia spiritualibus præponuntur: Facti sunt retrorsum, & non ante.

Hier. 7. Quartam inordinationem facit sapientia carnis inimica Deo: quod dextrum est, sinistrum reputans: pœnitentiam valde fructuosam crudeli miseratione minuens: quæ virgam disciplinæ abiicit, quam osculari debuit. Bernardus. Si pœnitentia nostra crudeli miseratione minitur, paulatim gemmis corona nostra priuatur. Quintam inordinationem facit negligentia, quæ est in hominibus præposteris, qui vix fine vitæ faciunt, quod in principio conuersionis suæ facere debuerunt. Sextam inordinationem facit prælatorum malitia, qui cum exemplo Saluatoris in medio fratrū esse deberet, in parte se ponunt. Ex quibus omnibus extat versus: Intus adest, extra quod sursum, fitq; deorsum. Ante retro vertunt, quod dextrum, fitq; sinistrum.

Finit quartus liber.

LIBER